



**Xwepêşandanên
Kurdiştanê, têkderî
yan sitûnek bo de-
mokrasiyê?**

»»» R: 5



*Bidestveanîna mafên netewî yên gelê kurd
di çarçoveya Îraneke demokratîk û federal de*

Agirî

*Duhestînameyek Siyasetî-Gîştî Ye, PDK Îranê diweşîne www.kurdistanmedia.com/kurdî
www.agirimedia.org Hejmar (264) 22-10-2015 Buha (500) Tûmen*

Sebra Awrûpayê jî qetiya!

Awrûpa wê li hemberî pêla koçberan bisekine

Artêşa Almaniyayê bona vegerandina wan koçberan ku daxwaza penaberîya wan hatiye red kirin, wê tevbîgere û, li welatê Êslovênîyê jî artêş bona berbirûbûna pêla koçberan, wê liser sînora alîkariya polis bike.

Ligorî rapora rojnameya “Bild” a Almanî ku di roja 20.10.2015’an (29.07.1394) hate belavkirin, dewleta Almanê bona pêşvebirina bilez a vegerandina wan koçberan ku daxwaza penaberîya wan nehatiye pejirandin, wê li balafirên veguhaztîna ên leşkerî ên bi navê “Tiransl” û pilotên Artêşê mifahê wergire.

Rojnameya “Bild” her-

wêha wê yekê eşkere dike ku biryara han bona bilez xistina pêdeçûn bi keysa wan kesn e ku weke koçber nehatine vergirtin û her di vê derheqê de tewahiya herêmên Almaniya yê ji rêya Telefonê û ji aliyê deftera şêvirmendê Almaniyayê bona haydarî ji biryara han hatine haydarkirin.

Rapor herweha dibêje ku, berî hatina dema vegeriyan û dîportkirina penaberên red kirî li axa lmanê, koçber ji vê biryarê nahên haydar kirin da ku rê ji xwe veşartina wan bê girtin.

Dewleta federal a Almaniyayê dixwaze bona kêmkirina rêjeya wan koçberan ku rû li welatê wan dike, wê pêdeçûnê bi norm û pêwer

û cura Îqame û wergirtina koçberan bike. Eva di demekê de ye ku parlamênta Êslovênîyê jî roja 21.10.2015’an (29.07.1394), bi 66 dengên “Erê” û 6 dengên “Ne”, destêverdanên arteşa welat bona kontrolkirin pêla koçberan ji Kirowasiyayê bo Êslovênîyê, weke me’muriyet bona piştevaniya ji polis liser sînoren Kirowasiyayê pejirand. Jiber vê yekê ku piştî Mecarîştanê sînoren xwe liser Kirowasiyayê girêdan, koçber bona gehîştina bi Awrûpayê, ji Êslovênîyê mifahê verdigirin.

Lewra ji niha pêve rê bi serbazên Êslovênîyê hatiye dayîn ku koçberan destbiser bikin û arteş jî berewajî berê, dikare di dema nebûna

polisên de, sînoren kontrol bike. Piştî girêdana demkî ya sînoren ji aliyê Êslovênî û Kirowasiyê, rewşa koçberan ber bi xirabiyê ve çû ye û, bi hezaran koçber di bin baran a berdewam de neçar mane ku liser sînoren Sirbiştan û Kirowasî û kirovasî û Êslovênîyê çavîrê bisekinin. Hevdem partiyên opozisyon ên Êslovênîyê jî, bona pêrewkirina mêtoda Mecarîştanê derheq bi pirsar koçberan, zext û giwêşeke zaf xistîne ser dewleta xwe.

Li welatê Almanê jî bi hezaran kes ji alîgirên tevgera “Pigîda” li bajarê Dirsidin’ê bona nişandana nerazîbûnên xwe derheq bi wergirtina koçberan, meşên nerazîbûnê

lîdar xistin.

“Pigîda” ku di despêka îsal a Zayînî de weke curek ji “Tevgera nerazîbûnên ne rêkxistî ên girûpek ji hemwelatiyan li dijî siyasetên dewletê” darketibû holê, niha bûye nawendekê bona komkirina alîgirên mentalîteya regezperestî û dike bîhanî û jiyane tevî tundûtûjiya liser kolan.

Tevgera “Pigîda” salekî berî naha li Almanê derket holê û navê wê “Welatparêzên Awrûpayî ên dijî bi Îslamîkirina Rojava” ye û, piştî zêdebûna pêla koçberan ber bo welatên Awrûpayî û Almaniyayê, cardin germ û guriyek taybet bi xwe ve dibîne.

**Nîştimana
xevna**



»»» R: 7

**Bandora te-
qîna Enqerê**



»»» R: 4



Sergotar

Qala vala

Kerîm Perwîzî

Di ewraz û nişîva şoreş û berxwedanê de, bixasmanî di xebata pir ji ezmûna Rojhilatê de, dem û dewranên gellek xweş û nexweş û qonaxên pir cuda ji hevdu wê werin pêş û hatine pêş ku her yek ji wan bi taybetmendî û rûçik û tam û rengêk cuda ve, waneyek tal an şîrîn bexşîne mekteba serhildan û rabûnê.

Bi salan e ku Komara Îslamî qala herîfîna û jînavçûna şoreş û şoreşvaniyê di Kurdistanê Îranê de dike û bi pîlanên cûrbicûr, hewla fetisandina bîr û hizra şoreşvaniyê di vê para niştimana Kurdan de dide û, çî weke xwe û bi awayê rasteraşt û bi hêza xwe ya dilreq û serkutker li Kurdistanê dixê û, çî jî bi awayê siyasî û çandî û aborî dest xîstîye ser gewriya gelê Kurd, da ku bikare di bin siya hijmûniya Wilayeta Feqîh de bifetisîne.

Lê ji aliyeke dinve û bi pîlaneke din, kesên demamîkdar bi navê çalakên siyasî han dide ku li jêr navê dilsoziya bo xelkê û mafên wan, li pişt tê'orî û peyvên wan ên zengîn çeperê bigirin û, teqeyê li rêberên şoreş û xebata netewî û demokratîk a Kurdistanê bike û bi vê pîlana qirêj, xebatkarên Kurd bi sedem û çavkaniya belengazî û rojreşîya xelkê xwe nişan bidin û, çavkaniya sereke ku hizra Wilayeta Feqîh e, jî sûç û tawan û gunehan veşon.

Niha ku roj roja sazana Komara Îslamî û Rojava û cilîdanê ya hêzên dirinde ên Sipaha Pasdaran û erbabên wan ên Rûs e di herêmê de, siyas-etvanên demamîkdar jî dengê xwe xuettir dikin û di nava gelê Kurd de qala teslîmbûnê dikin.

Di rewşeke weha heştyar de ku şoreş û xebata parek ji Kurdistanê di ew qasê nazîkî ya xwe de ye û di bin gîwaşê de bi lep û didan jî be gerek li çiyayên Kurdistanê de liser piyên xwe bisekine û, şoreşvan û xebatkar û keç û kurên roja tengaviyê jî, bejna xwe dikin devar a pîredarê li hemberî reşebayê, da ku nîfşa pêşerojê di bin vê devarê de bikarin zêda xwe avedan

Dom R:5

Peyama pîrozbahiyê ya rêzdar Mîstefa Hicrî sekreterê giştî yê PDKÎ bi boneya vegeriyana rêzdar Mes'ûd Tek sekreterê giştî yê PSK bo Tirkiyê

Kurdistanmedia: Rêzdar Mîstefa Hicrî sekreterê giştî yê PDKÎ bi boneya vegeriyana Mes'ûd Tek sekreterê giştî yê Partiya Sosyalîst bo Kurdistanê Tirkiyê peyameke pîrozbahiyê ji sekreter û endamên vê partiye re şand, ku deqa vê peyamê bi vî awayî ye:

Birayê rêzdar Mes'ûd Tek

Sekreterê giştî yê Partiya Sosyalîst a Kurdistanê

Digel rêz û silavan

Bi bihîştina nûçeya vegeriyana we û hevalên partiya we bo Kurdistanê Tirkiyê, û hewldan bo xebata neteweyî ya PSK'ê, bi awayekî fermî di vê para Kurdistanê de, ez gellekî dilxweş bûm. Seba hilgirtina pêngaveke bi vî rengî, ji aliyê xwe û hevalên xwe yên rêberiya PDKÎ, ez pîrozbahiyeke germ li we dikim, û hêvîxwaz im ku berdehamiya we li ser vê şeweya xebatê, bandoreke berçav û erênî hebe li ser berevpêşveçûna xebata xûşk û birayên me di Kurdistanê Bakûr de, bi armanca bidestxistina mafên xwe yên rewşa.

PDKÎ

Mîstefa Hicrî

18.10.2015

26.07.1394



1600 milyar Tûmen zirar digîje cotkarên Kurd



Nûçegihaniya Kurdpa: Piştî vê ku zirarên zaf ên malî gehîştin cotkarên Kurd li derverên Kirmaşan û Urmiye, hikûmet tû pêngavekê bona qerebûkirina wan ziraran na avêje.

Li gorî zaniyariyan, qasa xisar û zirarên beşa çandiniya îsal di parêzge-

ha Urmiyê de, pitir ji 600 milyar tûmenî bûye.

Herwiha li parêzgeha Kirmaşanê jî, cotkar tevî xisara 1 milyar tûmenî berbirû ne.

Ragehandinên hikûmetî jî, sirûseqem û hişkesaliyê bi sedema sereke ya van xisaran dizane.

Rêjeya xisarên han di demê de tîr eşkerekirin ku binkeyên "Bîme ya cotkaran a cîhad a Cotkariyê" li bajarê Kirmaşan û Urmiyê, nekariye di dema hevce de qerebûya wan xisaran bike.

Dewletê jî nebûna bûdceya diyarîkirî weke sedema sereke ya qerebûnekirinê dide zanîn û herweha soza qerebûkirinê dide cotkaran.

Bîmeya çandiyê li Îranê, nawendeke dewletî ye ku li ser dahata dewletê pirogramên xwe ber bi pêşve dibe.

Li gorî amaran, salane beşa çandî ya Îranê, bi sedema bûyerên pêşbînî nekirî, tevî 20 hizar milyar tûmen zirarê berbirû dibe

Şûnvareke dîrokî li bajarê Şerdeştê hate dîtin

Ajansa Kurdpa: Piştî ked û amandîbûneke zaf, hebûna jiyan û şaeistaniyet a kevînar li bajarê Şerdeştê hate selimandin û şûnvarên dîrokî li 5 herêmên "Nîskawê, Bîrîswê, Balan, Baxê û Bîrzîlê" hatine peyda kirin.

Li gorî rapora gehîştî destê ajansa Kurdpayê, herêma "Pênc Gund" a bajarê Şerdeştê, 6 hizar sal barî jîdayîbûna Mesîh, cihê jiyanê xelkê bûye.

Dî vê lêkolînê de şûnvarên jiyanê mirova a serdemê Kevîrîn hatine peyda kirin, û hatiye ragehandin ku tîma lêkolêr wê liser karê xwe berdewm be



û, kelûpelên ku tîr peyda kirin jî, bona lêkolîn û ceribandinên din, wê ji mozexaneyê bajarê Urmiyê re bîr şandin.

Girê "Rebet 1" yek ji dewletbajarên kevînar ên Îranê tê hesibandin ku serbarê vê ku di sala 1340'an de hatiye peyda kirin, lê heya niha tu lêkolînek micit liser nehatiye encamdan û, serbarê xemsariya dezgehên peywendîdar li hemberî paraştina şûnvarên dîrokî di Îranê de, niha dizîn û bitalanbirina wan şûnvaran di Îranê de bûyek pişeyek pir ji dahat.

Heyeteke PDKÎ serdana HDP'ê kir



Kurdiştanmedia: Heyeteke Partiya Demokrat a Kurdiştana Îranê serdana Partiya Demokratîk a Gelan kir. Heyeta Partiya Demokrat, hevxemiya Partiya Demokrata Kurdiştan a Îranê bi wan ragehand, û piştê jî li ser rewşa Kurd bi giştî û rewşa Kurd li Îranê û li beşên din yê Kurdiştanê axivî.

Li gorî rapora ku gihaye malpera Kurdiştanmedia, roja Sêşemiyê 13'ê Çiriya Pêşîn a 2015'an, heyeteke PDKÎ bi serpereştiya "Sedîq Derwîşî" endamê Komîteya Navendî a PDKÎ, serdana HDP'ê li bajarê Hewlêrê kir, û ji aliyê heyeteka pêwendiyên ve partiyê ve, bi serpereştiya Xatûn "Şîlan" berpirsa pêwendiyên HDP'ê li Hewlêrê, pêşwazî ji wan hate kirin.

Di Destpêkê de Derwîşî bi boneiya teqîna roja Şembiyê 10'ê Çiriya Pêşîn a 2015'an, li Enkerê, hevxemiya Partiya Demokrata Kurdiştan a Îranê ji wan re ragehan.

Paşan Sedîq Derwîşî endamê komîteiya navendî yê PDKÎ, axavtineke siyasî li ser rewşa Kurd bi giştî rewşa Kurdên Îranê û her yek ji beşên din yê Kurdiştanê û hevceya zêde berdan xebata netewe a Kurd û hevdan jib o giheştin bi mafên Kurd li her beşên din yê Kurdiştanê kir û bîr têkoşana Partiya Demokrat li ser pirsê netewe yan anîne berbas.

Di dewama ve serdanê de, heyeta pêwendiyên "BDP" ji bîr û têkoşana PDKÎ li ser netewe êndin bilind nîrxand û di vê pêwendiyê de çend pirsên pêwendîdar bi pirsê Kurd anîne berbas.

Di kitaya ve serdanê de her dû alî li ser paştirkirina pêwendiyên xwe tekez kirin.

Rapora karî ya kongireya pêncemîn ya Yekîtiya Xwendekarên Demokrat ên Kurdiştana Îranê



Li gora rapora nûçegihanê malpera Kurdiştanmedia, ew kongire roja Pêncşemiyê 23.07.1394 (15.10.2015)'an di rêûresmekê de di binkeya Deftera Siyasî ya PDKÎ li bajarê Koyê, bi amadebûna endamên Yekîtiya Xwendekarên Demokrat ên Kurdiştana Îranê û nûnerên hîlbijartî ên kongireyê, û herwisan rêzdar Mîstefa Hicrî sekreterê giştî ê PDKÎ û endamên rêberî, û bi ragirtina de-qeyekê bîdengî bo rêzgirtinajî riha pak ya şehîdan dest pê kir.

Piştînivroya roja Pêncşemiyê 23.07.1394'an demjimêr 2:30 de-qeyan, kongireya Yekîtiya Xwendekarên Demokrat ên Kurdiştana Îranê bi awayekî fermî dest bi karên xwe kir.

Di civîna yekem de, rapora komîteya amadekar ya kongireyê ji aliyê Ejîn Behramî berpirsê komîteya amadekar ya kongirê ve hate xwendin, ku piştê nîrxandin û têdîtinên endamên kongirê bi dengê giştî hate pesend kirin. Piştê rewayî jib o kongireya pêncem

û nav û diruşm û hêmaya kongirê hate wergirtin.

Piştê rapora siyasî ya birêvebiriya giştî ya Yekîtiya Xwendekarên Demokrat ên Kurdiştana Îranê, hîlbijartiyê kongireya 4 hate pêşkêşkirin.

Endamên kongireya pêncem ya Yekîtiya Xwendekarên Demokrat ên Kurdiştana Îranê di vê civînê de, têbîniyên xwe li ser rapora siyasî ya amadekiriya birêvebiriya pêşîn ya Yekîtiya Xwendekarên Demokrat ên Kurdiştana Îranê eşkere kir, û rûniştina duyemîn jî pîrnaweroktir kirin.

Êwariya roja pêncşemiyê û di doma pêvajoya karê kongireya Rasan de, demjimêr 2'ê êvarî, rûniştina sêyem di doma rûniştina duyem de, û bi pêşkêşkirin û wergirtina têbîniyên endamên kongirê li ser rapora siyasî dom kir, û piştê xiştin ber dengdanê û pejirandin.

Dewreya 216'ê ya destpêkî li ser sînorên Rojhilata Kurdiştanê bi dawî hat

Kurdiştanmedia: Rêûresma bidawîhatina dewreya 216'ê ya destpêkî a pêşmerge, ku navê "Dewreya Gulê Îbrahîmî" li ser hate danîn, ji aliyê Komîsyona Perwerdehiyê ya PDKÎ ve li sînorên Rojhilata Kurdiştanê bi rê ve çû.

Li gora nûçeya nûçegihanê malpera Kurdiştanmedia, Roja Pêncşemiyê 23.07.1394 (15.10.2015)'an rêûresma bidawîhatina dewreya 216'ê ya destpêkî a Pêşmerge bi sirûda neteweyî ya "Ey Reqîb" û ragirtina deqeyekê bîdengî bona rêzgirtina ji riha pak ya şehîdên Kurd û Kurdiştanê dets pê kir.

Piştê beşdarên dewreyê, çendîn

beşên curbicur wekî: "rêje, şerê sernîze, û amadeyiya leş" nîşan dan. Di beşêke din ya rêûresmê de, birêz Roştêm Cehangîrî endamê Deftera Siyasî ya PDKÎ çend gotinek pêşkêş kirin.

Cehangîrî di gotinên xwe de, amaje bi rol û erka pêşmerge di vê qonaxa nû ya xebatê de kir, û herwisa basek li ser xebat û berxwedana PDKÎ di salên borî de kir.

Piştê rapora perwerdehiyê ya dewrê ji aliyê yek ji mamostayên fêrgehê ve hate xwendin, û piştê peyama dewreya 216'ê ya destpêkî a pêşmerge ji aliyê yek ji beşdarên dewreyê ve hate xwendin. Di beşêke din ya



vê rêûresmê de, xelat bi ser serkevtiyên dewrê, di warên "serûberî û disîplîn û waneyên beşa siyasî" de hate parvekirin.

Her bi boneya bidawîhatina dewreya destpêkî ya pêşmerge, ji aliyê beşdarên dewreyê ve, xelatek pêşkêşî Gulê Îbrahîmî hate kirin. Gulê Îbrahîmî nêzî 30 salan e, ku pêşmerge PDKÎ ye, û niha jî mil bi milê pêşmergeyên PDKÎ mijûlî tekoşîn û xebatê ye. Ew rêûresm jî çendîn perçe sirûd û şîran û helbestan pêk hatiye.

Bandora teqîna Enqerê



N. Şehab Xalidî

Di vê teqîna xwekujiyê de, ku li Enqereya pêtexta Tirkîyê, di nav civîna alîgirên HDP'ê de rû da, zêdetir ji sed kesî hatin kuştin û birindarkirin.

Piştî teqînê gellek kes hatin girtin, û hinek piştî lêkolînan hatin berdan, û nasnameya xwekujan jî hate eşkerekirin. Piştî vê bûyerê zexta herî zêde li ser AKP'ê bû, jiber ku hemû aliyan, wate HDP, CHP, MHP û... hwd, AKP berpirsyarê teqînê dane zanîn.

Di vê derheqê de hevseroka HDP'ê Fîdan Yoksegdax ragehand ku: "MÎT'ê zanyarî hebû li ser nasnameya wan xwekujan, û ew pêştir ji aliyê MÎT'ê ve hatibûn girtin, û piştî hatibûn berdan".

Herwisa serokê MHP'ê Baxçelî jî ragehand ku: "AKP bûye sedema aloziyê di Tirkîyê de". Lê AKP'ê ragehand ku: "Eva destên DA'ÎŞ û PKK di vê êrişê de heye, jiber ku em digel hevpeymaniya navdewletî li dijî her du aliyan şer dikin".

Herçend ku hêşta gellek hûrdekariyên vê teqînê mane ku eşkere bin, lê ya ku



berçav û xûya bû ew bû, ku êrişkaran bi vê kiryara xwe ya tirsinokane û di heman demê de bêrehmane û hovane, xwaştin ku derbeke giran li Kurdan bixin, û wan wisa çavtirsandî bikin ku êdî kurdan hêza rabûnê û domandina xebata xwe ya siyasî û medenî tunebin, û herwekî Demîrtaş hevserokê HDP'ê got: "Emê li ser piyan bisekinin, û bi van kiryarên tirsinokane, em nakevin qedeman".

Bê guman ew hilbijartin ji bo hemû aliyên siyasî di Tirkîyê de gellekî girîng e, û AKP jî pirr ditirse ku vê carê jî wekî hilbijartina berê nekare dengê hewce bo pêkanîna hikûmetê pêk bîne, û li gora boçûnên şirovekarên siyasî piştî van hemû şer û pevçûnên di navbera PKK û dewleta Tirkîyê de, zehmet e ku dengderên HDP'ê bibin dengderê AKP'ê.

Ji aliyekî din ve, ew teqîn pêwendiya wê bi hilbijartinên pêşwext ve hebû. Êrişkaran xwestin ku bi vê kiryara xwe, rewşa Tirkîyê aloz û nearam nîşan bidin, û PKK'ê jî bi sebebkarê van aloziyan bidin zanîn, da ku di dema hilbijartinê de, ji hejmara dengderên berê yên HDP'ê kêmkirin. Lê AKP jî hemû hewla wê, ew e ku PKK bi sebebkarê hemû aloziyan û deştêbûna di teqîna Enqerê de bide

çareseriyê di parlamentoyê de pêş bixînin).

Bê guman ew hilbijartin ji bo hemû aliyên siyasî di Tirkîyê de gellekî girîng e, û AKP jî pirr ditirse ku vê carê jî wekî hilbijartina berê nekare dengê hewce bo pêkanîna hikûmetê pêk bîne, û li gora boçûnên şirovekarên siyasî piştî van hemû şer û pevçûnên di navbera PKK û dewleta Tirkîyê de, zehmet e ku dengderên HDP'ê bibin dengderê AKP'ê.

Ji ber ku di vî şerî de gellek kesan di nav bajaran de canê xwe ji deşt dan ku xelkê medenî bûn, û rakêşana termê ciwanekî Kurd piştî kuştina wî bi panzerê, Kurd gellek eşandin, lewra hekî PKK tawanbar be bi deştêpêkirina şer jî, lê AKP bi sedema kuştina xelkê sivil, nikare êdî di nav dengderê HDP'yî de cihê xwe bike.

Lê eva ku gelo hemû dengderên berê yên HDP'ê wê dengê xwe dîsan jî bidin HDP yan ne, boçûnên cur bi cur hene, lê hinek şarezayên pirsên navxweyî yên Tirkîyê li ser vê baweriyê ne ku renga eva dengderên HDP yên Tirk bin, ku seba şerê di navbera PKK û dewletê, ji HDP û PKK aciz bibin, û dengê xwe nedin wê partiyê.

Em hêvî dikin ku Kurd di bakura Kurdistanê de, gellek hişyarane tevbigerin, û hêcetan nedin deştên dijberên xwe ku bi yekcarî piroseya çareseriyê ji nav bibin, û hemû hewla xwe bi kar binin ku pirsê Kurd bikin pirseke deştûrî û di parlamentoyê de kar li ser bikin.

nasandin, da ku bi vî rengî dengê dengderên HDP'ê bo aliyê xwe rakêşin.

CHP û MHP jî ku her yek ji wan bi tometbarkirina AKP'ê di pêkanîna rewşa hewce bo encamderên teqînan de, dixwazin dengê dengderên AKP'ê bo aliyê xwe rakêşin, lê ji dengderên HDP'ê bêhêvî ne, jiber ku dengderên HDP'ê zehmet e ku dengê xwe bidin du partiyên netewepereşt ên wekî CHP û MHP, ku her tim li dijî mafên Kurdan derketine.

(herçend ku CHP niha hinekî nermiyê ji xwe nîşan dide, û dibêje ku hekî em bibin deshilatdar, emê piroseya



Xwepêşandanên Kurdistanê, têkderî yan sitûnek bo demokrasiyê?



N. Şemal Terxîbî

Nerazîbûn bi yek ji mafên xwezayî û di heman demê de jî serketirîn maf tê naskirin ku bi tevahî di piraniya rêkeftin û konvansiyonên mafên mirov de hatiye. Îca nerazîbûn bi awayê eşkerekirina bîrûboçûnên xwe be, yan dijkiryan di hemberî bûyeran, yan jî di rewşek taybetî ya civakî yan siyasî, bi awayên cûrbicûr wekî nerazîbûna yek kesî û rêpêvan û xwenîşandana bi kom li ser şeqaman tê pêş. Çalakên komên civakî û demokrasîxwazên cihanê, nerazîbûnê wekî sitûneke girîng bo demokrasiyê dizanin, û wekî yek ji encamên azadiya axaftinê dihesibînin.

Eva ku me bas kir weke esleke bingehîn heya wê demê ku bergirî ji mafên civakî û siyasî ên kitkitên civakê bike, û zirarê negihîne berjiwendiyên giştî û qazanca kitkitên civakê, tê kirin ku di çarçoveya azadiya eşkerekirina bîrûboçûnên xwe de pênas bike û eva cihê rêz û pêzanîne ye, lê xwenîşandan di welatekî de ku desthelata rewşa tê de hakim be, û demokrasiyek rêjeyî tê de hebe, hekî di rêya rasterast ya xwe de derkeve, û bibe alav bo têkdana ewlehî û hêminiya civakî û têkdana milk û malên giştî û civakê, ew yek wekî têkderî tê pênasêkirin.

Roja Çarşemî 15 Rezberê beşek ji xelkê bajarên Silêmaniye û Helebçe a Kurdistanê Îraqê, bo eşkerekirina bîrûboçûnên xwe li ser rewşa xirab ya aborî û bêhêvîtiya xelkê li encamên kombûnên aliyên siyasî bi merema vedîtina çareseriyê baş bo pirsê serokayetiya Herêma Kurdistanê, xelk hatne ser şeqaman û hereketek nerazîbûnê hate pêş ku piştê di 17 Rezberê li bajarê Qeladizê, xwenîşandan ji rêya aramî û aştiyane derçû û tûndûtîjî çêbû.

Encama wan jirêderçûnan, kuştin û birîndarbûna xelk û polîs û zirar û şewitandina baregehên partîyan û hikûmetê bi dawî hat, ku piştê ev xwenîşandan çend bajarên din ên



kurdîstana Îraqê jî girt, û heya niha jî rewşa han bi tevahî aramî bi xwe ve nedîtîye. Li gor amaran, 5 kes ji xwenîşanderên Herêma Kurdistanê li Qeladizê û Kellarê hatin kuştin, û 144 kes jî di çend deverên din ên Herêma Kurdistanê birîndar bûn, ku beşek ji wan ser bi hêzên ewlehiyê bûn.

Îraqê, û cih û pêgeha vê ya stratejîk ku di Kurdistanê de heye, bo welat û aliyên dijber ên Kurd, ezmûneke cihê qebûlkirinê nîne. Pirsê han bitaybet wê demê zaftir zeq dibe, ku niha hêzên Pêşmergeyên Kurdistanê ku di şerekî bixwîn tevî mezintirîn dijminê mirovatiyê de ye, û karîne cihê pêyên xwe di asta navnetewî de bo xwe bi

mend dibin”.

Her di vê derheqê de nabe em vê raştiyê jî ji bîr bikin, ku mixabin kêberkêyeke nedemoratîk û paremayî, siyaseta tolvekirinê û bi girîng nezanîna eş û azarên xelkê, ji aliyê hêzên siyasî ên vê beşa Kurdistanê ve, rewşeke nebaş bo pilandarêtina nehezên Kurdistanê pêk aniye, û eva pêdivî bi rexnegirtin û xesarnasek hûr û pispore heye, heya ku bibe sedema çenebûna bûyerên bi vî rengî.

Rêkxistina terorîstî a DAÎŞ’ê êrîşkirina bo ser bingehên partîyan bi kiryareke Îslamî da zanîn û ragehand ku “êrîşkirin bo ser PDK’ê êrîşkirina li ser Sehyonîzmê ye”.

Her di destpêka wan bûyeran de, gişt xemxorên Kurd dilgiran bûn, û dijber û neyarên gel jî, wekî her car livlivîn, û ketne hizra pilandarêjiyê bona vê ku alozî û neewlehiyê di Kurdistanê de biafirînin, û sitûna demokrasiyê di Kurdistanê de têk bidin. Rêkxistina terorîs a DAÎŞ’ê di êrîşkirin bo ser bingehên partîyan bi kiryareke Îslamî da zanîn û ragehand ku “êrîşkirin bo ser PDK’ê êrîşkirina li ser Sehyonîzmê ye”.

Helwesta DAÎŞ’ê hevdem bû tevî dijkiryanê televîzyona Seher ya ser bi Komara Îslamî a Îranê ku digot: “Raperîn li dijî xebatkaran li Silêmaniye dest pê kir”.

Hûrbûn ji wan du rîsteyan ku tenê wek mînakêk biçûk ji wan helwestan e ku îşare jêre hate kirin, eşkere dibe ku ezmûna Herêma Kurdistanê

dest ve binin, û tê xuyakirin ku ev piştevaniyên cihanî bibe destpêka rizgariya yekcarî ya gelê me ji bindesiyê.

Bona vê yekê, neyarên gel ji her derfetekê mifahê werdigirin heya ku aloziyê çêbikin, û dijberiyê di navbera yekgotarî û hevgerîna gelê Kurd de çêbikin. Di vê qonaxê de ye ku bandora partîyan resen û xemxor û xwedîhelwestê ên netewî û kesayetiyan Kurdistanê xûya dibe ku dikarin wekî faktoreke girîng bandora rewşa bûyeran bi qazancê gel û nîştiman biguherînin. Wekî vê ku di ragehandina PDK’ê de bi vê sedemê daxûyaniyek bilav kir û tê de hatiye: “Serketînen kurd û Kurdistanê Îraqê, dilê hemû Kurdên nîştimanperwer geş dibe û têkçûna wan deskevtan jî bêhîvîtiyê di nav hemû Kurdan de çêdibe, û hemû jê re xemdar, û zirar-


Doma R:2

bikin û nîştimana xwe çê bikin, dengê bêmoral û bêhêz ya hinek kesan ber bi baregeha bixwîn a Wilayeta Tehranê serî di tevîne, eva jî diçe xaneyê navxirabkirinê de.

Di vê devranê de kêminînin ew kesên ku heya goma avê kûrtir be bêtir xwe li avê didin û melevaniyê dikin û her çî qas reşeba bihêztir be qahîmtir liser piyên xwe disekinin û ber bi kûrahiya welat û ber bi hundir dilê xelkê xwe pêngavan qahîmtir di avêjin, da ku carek din bêjin “şoreşa rewşa lewaz dibe, lê naqete”.

Niha ku Komara Îslamî û tewahiya wan kesên xapandî, qala vê yekê dikin ku deshilata wan xwedî hêz û qahîm e û di Rojhilata Navîn a pir jî şer û tevdanîkarî de, xwediyê welatekî ewleh in, niha tevî hinek şoreşvanan berbirû bûye ku tofan û reşeba bandore jê nake û hêza pêşmerge a Kurdistanê bi sedan km çûne nava kurahiya axa Kurdistanê de û bi kiryar selimandin ku dengê deng û hevar hevar a Komara Îslamî, xincî qala wala tu nîne.

Roja cîhanî a xebat dijî cezaya darvekirinê



N. Îdrîs Stwet

Tevîvê ku 10'ê Octoberê ji aliyê rêkxirawa neteweyên yêkgirtî û çendîn saziyên din ên mafên mirovan ve di asta navnetewî de weke roja xebat li dijî cezaya darvekirinê hatiye ragehandin, lê mixabin hêj cezaya darvekirin di hin welatên cîhanê de bi rê ve diçe.

Rêkxirawa Lêborîna Navnetewî û rêkxirawa "lihevkirina cîhanî li dijî cezaya îdamkirinê" di sala 2002'an de, roja 10'ê Octoberê (18 Rezber) weke roja cîhanî ya xebat li dijî cezaya darvekirinê ragehandin. Armanc ji pêkanîna vê biryarê eva bû ku hewl bidin cezaya darvekirinê di hemû welatên cîhanê de ragirin. Li gor raporên Lêborîna Navnetewî, piraniya welatên cîhanê cezaya darvekirinê di yasayên xwe de wêde birine, û hin welatên din jî di vê biyavê de pêngavan bavêjin, lê li gora rapora rêkxirawên navnetewî yên mafên mirovan, di hin welatên cîhanê de, her sal bi hezaran kes bi cezaya darvekirinê tîr mehkûmkirin, û darvekirin, û hêj di cîhanê de 58 welat hene ku cezayên darvekirinê radigehînin û xelkê darvedikin û di sala derbazbûyî de kes di cîhanê de hatine darvekirin û piraniya darvekirin an di welatên Çîn, Îran, Koreya bakûr, Erebyssan S'ûdî, Pakîstan û Amerîka bûye.

Ev welatên navhatî berpirsê 95% ji cîbicîkirina cezaya darvekirinê ne di



cîhanê de. Komara Îslamî a Îranê her di deştêka hatine ser kar ve nîşan daye ku tevî hemû rêkxiştinên mafê mirov dijber e, û herçend li dervayî sînoren xwe de, wisa nîşan dide ku alîgirê mafên mirovan e, lê nekariye vê tiştê li ber çavên xelkê cîhanê veşêre, û bi kiryar cezaya darvekirinê di Îranê de bi awayekî hovane bi rê ve dibe, û cuda ji hemû welatên di Îranê de, darvekirin li ber çavên xelkê, û li ser şeqam û kolanan bi rê ve diçe.

Vekolîna rêkxirawa mafê mirov, weke lêborîna navnetewî, nîşan dide ku piraniya kesên ku bi cezaya darvekirinê tîr mehkûmkirin, ji neteweyên bindest yan jî malbatên hejar û reben in.

Di piraniya wan welatên ku cezaya darvekirinê bi rê ve dibin, bitaybet di welatê Îranê de, girtî di dadgehên veşartî de bê vê ku parêzer hebin, û bi îşkence û îfadeya bi zorî biryara cezaya darvekirinê didin û cezaya

darvekirinê bi ser de disepînin. Di çendsalên derbazbûyî de zaf kesên girtî ku dosiyeya siyasî hene, bixasmanî girtiyên siyasî yên kurd di Îranê de bi tomata bazirganîkirin bi madeyên hişber yan dijayetî tevî Xwedê mehkûm û darve dikin. Her di deştêka hatne ser kar a komara Îslamî a Îranê, wî welatî siyaseta mehkirina dijbetên xwe girtiye pêşiya xwe, û Cezaya darvekirinê di Îranê de kiriye beşek ji yasaya cezaya wî welatî û her di deştêkê de heya niha, heroj di Îranê de xelk tê darvekirin.

Bi sedema hejmara zaf ya cîbicîkirina cezaya darvekirinê di Îranê de, rêkxirawa mafê mirov a Îranê, çendîn carî nerazîbûna xwe nîşan daye û ragahandine ku hejmara herî zêde ya darvedirina nûciwanan jî di Îranê de hebûye.

Lê heya niha berpirsên payebilind ên welatê Îranê bersiva rêkxirawa

mafê mirov û biryara ragirtina cezaya darvekirinê di Îranê de nedaye. Niha komara Îslamî ya Îranê di warê cezaya darvekirinê pileya yekem di Rojhilata Navîn de heye, û di asta cîhanê jî de di pileya duyem de ye.

Heyamekê berî niha Rêkxirawa Lêborîna Navnetewî ragehand ku di 6 mehên deştêka sala 2015'an de zêdetir ji 800 kes di Îranê de hatine darvekirin, ku navinciya darvekirinê di Îranê de 3 kes in, ku ev qasa darvekirinê heye îsal li çav 25 salên derbazbûyî bê mînak bûye.

Her di wan çend rojên derbazbûyî de ku roja cîhanî a xebat li dijî darvekirinê bû, di Îranê de darvekirin her bi rê ve çûye, û di Îranê de du rojan piştî 10'ê Octoberê 17 kes hatin darvekirin, ku di girtîgeha parêzgeha Urmîyê de 8 girtiyên Kurd bi tawana bazirganîkirin bi madeyên hişber hatin darvekirin.

Bi sedan leşkirên Îranê li Sûriyê şer dikin

Kurdîstanmedia: berpirsekî payebilind a Artîşa Sûriyê eşkere dike ku bi sedan kes ji hêzên leşkirî ên Komara Îslamî ya Îranê û herweha Hizbulaha Lubnanê, niha mil bi milên hêzên Beşar Esed û bi piştevaniya hêzên esmanî ên Rûsiyê, li Başûrê bajarê Helebê û li hemberî

hêzên opozisyonê şer dikin. Ev berpirsê hêzên leşkirî ên Beşar Esed herweha ragehand ku beşdariya hêzên leşkirî ên Komara Îslamî bi vî awayî pan û berîn, nedihat çavni-hêrikirin.

Di çend rojên derbazbûyê de du

çavkaniyên nûçegehanyê eşkere kirin ku bi hezaran leşkirî Îranê bona beşdariya di şerê Hema û Helebê de ber bi Sûriyê hatine şandin.

Rejîma Îranê jî hêzên xwe bi prêzerên "Herema Xeyneb"ê binav dike û dibêje ku tenê karê şevirmendiyê di

Sûriyê de dikin.

Eva di demekê de ye ku di çend rojên derbazbûyî de Komara Îslamî bi xwe ragehand ku çend kes ji fermanderên payebilind ên weke Pasdarê Sertîp "Husên Hemedanî" di şerê Sûriyê de hatine kuştin.

Nerîna Lîderan



N. Arif Vêlî

Demîrtaş: “Aliyekî navxweyî di dewleta Tirkîyê de heye ku piştewaniya DAÎŞ’ê dike”.



Adil Cubeyr: “Çi ji destê me were, emê bikin”!.



Merziye Efxem: “Erebîstan kêrhatiyê vê nîne ku li ser Îranê baxive”.



Baxçelî: “Çavkaniya hemû nearamiyan DI Tirkîyê de AKP ye”.

Terror, nebûna emniyeta canî û malî, şer û tundûtîjî, aboriya herifî, bêkarî, tepeserkirina navxweyî û hinek sedemên din, li welatên Efrîqa û Rojhilata Navîn de karekî wusa kirine ku, di çend salên derbazbûyî de û bitaybetî di sala 2015’an de, pêleke pan û berîn ji koç a bi kom a xelkê wan welatan serî hilde û pareke berçav û xwedî bandor a xelkê wan welatan ku di raştî de, bi sermaye û hêza mirovî a welatên xwe tene hesibandin, tevî xwe rake û ber bi welatên Rojavayî araste bike.

Koçberiyek ku tenê li ser bingeha derbazbûn ji rewşê û destragehiştin bi nîştimana xevna biryar jê re hatiye dayîn, bê haydarî ji vê ku hekî libekê bê şansî bê ser rêya wam, avên behra “Medîterane” û behra “Ejê” ku beşek e ji rêya gehîştina bi xevnên wan, dolaban digerin, û gellek bi dilreqî û bê rehmî hembêza xwe ya wekî goriştan ji wan re vekirîye û, ne tenê rêya gehîştina bi nîştimna xevna, belkî rêya poşmanî û vegeryanê jî, ji wan dadixe û bi dehan û sedan jin û mêr û ciwan û kal û zarokên weke Alan mehkûm bi mirinê dike û, hekî berevajî libekê xwedî şans bin û qedera wan rêya jiyanê bide, digîjin nîştimana xevnan û lê dinêrin ku, tenê ji dûr ve rûçikek xweşik û rind jê diyar e û, di raştî de gihîştina wan despêkek e bo jiyanê pile du û tîjî ji ferq û cudahî û zelîlî e.

Jiber ku ev herifîna aborî ku niha cîhan xîştîye bin bandora xwe, amara bêkariyê tenanet di welatên Rojavayî de jî gehandiye du reqemiyê, û lewra, pirniya wan koçberan neçar in ku karekî zaf bi mûçeyek kêr peyda bikin û razî bin bi jiyanê zehmettir ji jiyna xwe ya berê.

Ev koçberiya bi kom ku niha welatên Lîbî û Misr û Tûnis û çend welatên din li Efrîqa û herweha Îraq û Îran û Efxaniştan û Sûriye û li serveyî hemûyan, li her çar parên Kurdistanê li Rojhilata Navîn ji xwe digire, xincî hezaran qurbaniyan, heya niha li gorî amaran 2 milyon koçber ber bi welatê Awrûpayî û li serveyî hemûyan welatê Alman araste kiriye û, herwe-

Nîştimana xevna

ha tê texmînkirin ku 2 milyon kesên din jî vê rêya pir ji metirsî bigirin pêşiya xwe.

Di vir de, û di van çend dêran de armanca min ev e ku Kurdistanê di rewşa şer û şoreşê de bixim ber bas û pirsyar bikim ka gelo, di rewşa niha ya her çar parên Kurdistanê de, koçberiya ber bi nîştimana xevna û bicihhêlana nîştimana bab û kalan bijardeyeke diruşt e?

Gelo niha ku di Kurdistanê Rojhilat de tevgera netewî – demokratîk a gelê Kurd bi rêberiya PDKÎ piştî çend salan, careke din û bi germ û gurriyê nû ve di hundir welat û li ser sînorên Kurdistanê li dijî deshîlata qirêj a Komara Îslamî çalakîyên xwe dimeşîne, koçberiya xort û hêza mirovî a vê para Kurdistanê ku bi arxayîni ve dikare bandorê bixe ser rabûna hizbê, yan bi wateyê din çolkirina piştî pêşmerge bijardeyeke diruşt e?

Gelo li Kurdistanê Başûr ku niha xincî alozî û nakokiyên di navbera herdu hikûmetên Hewlêr û Bexdayê de û destêwerdanên Komara Îslamî û welatên cîran û birîna bûdce û kirîza darayî, em dibînin ku hêza pêşmerge yê Kurdistanê bi dirêjahîya 1500km jî sînorên xwe, şerê tarîperestên DA’ÎŞ’ê dike, bijardeyeke diruşt e ku wusa bi pan û berînê hêza mirov ku hewcehiyê haşahilnegir û dîrokî ye, nîştiman û axa xwe bi cih bihêlin, û ber bi welatên Rojavayî ve koç bikin?

Gelo niha ku Kurdistanê Rojava di rewşa xwe ya herî heştyar û nazik de ye, û xincî şerî tarîperestên DA’ÎŞ’ê, gerek ji aliyekî ve li hemberî diyardeya Bi’erebkirinê (Te’rîb) ku demografîyaya Rojava xîştîye tehlûkeyê, û

herweha di pêxema paraştina şunasa netewî û li hember hejmûniya Beşar Esed û hevpeymanên wî di herêm û cîhanê de bisekine û bi çok de nehê û, ji aliyekî din ve nakokî û takrewiyên navxweyî ên partî û aliyên siyasî ên Kurdistanê Rojava dest bi ser welat de kişandîye, bijardeyek diruşt e ku xort û hêza mirovî li wir piştî pêşmerge û şervanan çol bikin û rêya hat û nehat a derweyî welat bigirne pêşiya xwe? Yan jî di rewşa niha ya Kurdistanê Bakûr de ku xebata parlamani derxistine holê, û bi dehan parlementerên Kurdan di parlamana wî welatî de xebatê bo mafên Kurdan dikin û bixasmanî ku hîlbijartîneke çarenivîssaz cardin ducarî dibe û Partiya Sosyalîst a Kurdistanê jî piştî bi dehan salan guherîn bi ser siyasetên xwe de anî û vegeriya navxweyî Kurdistanê Bakûr, da ku bi awayê parlamani xebata xwe ji niha pê ve bidomîne, bijardeyek diruşt e ku xelkê wê para Kurdistanê rû li derveyî welat bikin?

Bêgoman di rewşa niha ya Kurdistanê Mezin de, erkê tak bi takê her Kurdekê ye bi xort û kal û jin û zarokan ve ku, raştîyên îro ên welatê Rojavayê û bixasmanî Kurdistanê bibînin û bi hemû hêz û şîyanên xwe ve, di warên mad û Me’newî û hêza mirovî ve, piştî hêzên xwe ên siyasî û çekdarî bigre, bona paraştina wan deskevtên ku niha di destê me de ne û me di pêxemê de bi dehan û hezaran qurbanî dane. Jiber ku bi xatircemî ve rewşa niha ya Kurdistanê herêmê, di pêşerojek nêzik de wê bi dawî bê û gelê Kurd jî bi siyasetên xwe ên hekîmanî û li ser bingeha vexwendina hevdu, serkevtinê li vê qonaxa heştyar de derbas bibe, û deriyên serkevtinê wê bi ser de webin.



Amîne Îqtidar:

“Vegeriyana hêzên pêşmerge PDKÎ bo ser sînor û navxweyî Kurdistanê, pir ez kêfxweş kirim û hêvî dikim ku berdewam bin”.

H: Jîla Muste'icir



Bi dirêjahiya dîroka serhildan û berxwedana Kurdan bo mafên xwe ên mirovî û netewî, hertim û di her qonaxekê de hinek kes çî jin çî mêr, hebûne ku serbarê temenê xwe yê kêr, xwediyê mêjî û eqil û metnalîteyê mezintir ji temenê xwe bûne, û karîne ku di temenê xwe yê kêr de beşdariyê di karên mezintir ji xwe de bikin.

Amîne Îqtidar jî yek ji wan jinan e ku di temenê kêr de heşt bi kêmasî û bindestî û evdaliya gelê xwe kiriye, û her di temenê kêr de mil daye ber giraniya xebata netewî û, tevî şoreşa Kurdî bûye, da ku karîbe di vî erkê pîroz û netewî de roleke erênî bilîze. Amîne Îqtidar keça Mele Mehmûd Îqtidar, sala 1975'an(1354) li bajarê Pîranşarê hatiye dinê.

Amîne Îqtidar derheq bi nasyariya xwe tevî PDKÎ û herweha jiyana xwe ya hevpar di nava PDKÎ de, weha dipeyve: “Bi sedema vî ku wî çaxî pêşmerge Hizba Demokrat di hundirê Kurdistanê de û di derdora bajarê Pîranşarê de çalakiyên siyasî û teşkilatî û leşkerî dimeşandin û min diditin, di zarokatiyê de min jî Hizba Demokrat û pêşmerge hez dikir, lewra di temenê 16 saliyê de min bernave û pêrewa hundirîn a Yekîtiya Jinên Demokrat ên Kurdistanê Îranê xwend û piştî weke alîgirê Yekîtiya jinan dest bi çalakiyên xwe ên siyasî kir.

Piştî 2 salan û dema temenê min gehîşt 18 saliyê, weke endama fermî a PDKÎ hatim wergirtin, û sazmandan, û min dest bi xebatê kir. Piştî çend salan berdewamiya min li ser karê hizbî û siyasî, hez û evîndariya min ji Kurd û Kurdistanê re, karekî weha kir ku biryara zewaca bi pêşmerge re bidim, û di sala 1995'an (1374) tevî pêşmergeyê PDKÎ “Zorar Xizrî” min jiyana hevpar ava kir û berhema jiyan me jî 5 zarok in bi navên Ferheng, Hewşîn, Hêşû, peyam û Şahîn”.

Amîne Îqtidar roja herî xweş a jiyana xwe weha tîne ziman û dibêje: “Vegeriyana hêzên pêşmerge PDKÎ bo ser sînor û navxweyî Kurdistanê,

pir ez kêfxweş kirim û hêvî dikim ku berdewam bin da ku xwîna şehîdên me bi xisar neçe, lê roja herî xweş a jiyana min roja vebûna TISHK TV bû di sala 2006'an (1385) de. Em li Nawenda 3 bi qasekî kêfxweş bûn ku pêşmerge û endam û alîgirên PDKÎ Şîrînî belav dikirin û govend digêran”.

Amîne Îqtidar herweha rojên herî nexweş ên jiyana xwe weh ji Agiriyê re bas dike: “Bi dirêjahiya xebata çekdarî û jiyana xwe ya siyasî, min rojên nexweş pir ditin, dema pêşmerge û hevçeperek me şehîd diket em pir dilgiran dibûn, lê roja herî nexweş rojên şehîdkirina Dr.Qasimlo û Dr. Şerefkendi bûn, ku di heyameke kêr de û bi dû hev re hatine encamdan û bo heyameke kêr xelkê me aciz û dilgiran kir. Lê bi xweşî ve û berevajî nêrîna dijminê me, morala pêşmerge kêr nebû, û heya pitir ji berê bona gihîştin bi armancên xwe, em ketin nav xebat û tekoşînê de”.

Amîne Îqtidar rû li jin û keçên Kurdistanê dike û bi vî gotinê dawiyê bi hevpeyvîna xwe tîne: “Daxwaza min ji jin û keç û dayikên Kurdistanê ev e ku, li ser xebat û rêya gihîştin bi hêviyên xwe berdewam bin, û hevrê û piştevanê hevjinên xwe bin, û herweha daxwaza min ji keçên me ên Kurd li Kurdistanê ev e ku, heya dikarin xwendinê bidomînin da ku pêşerojê geş bo welatê xwe misoger bikin”.



Birêz Amîne Îqtidar digel hevjinê xwe birêz Zorar Xizrî

Balyozê Îranê tundûtîjiya li dijî jinan şermezar dike

Kurdiştanmedia: Balyozê Îranê di rêkxirawa neteweyên yekbûyî de, nîgeraniya xwe derheq zexta li ser jinan eşkere kir.

Li gora nûçeya ku gihîştîye malpera Kurdiştanmedia, balyozê Îranê di rêkxirawa neteweyên yekbûyî de ragehand ku ew kirûyara girûpên terorîstî li dijî jinan şermezar dikan, jiber ku vê yekê jiyana jinan û mafên wan xîstîye metirsiyê de.

Navbirî herwisa ragehandiye ku ew tundûtîjî tenê di Rojhilata Navîn de nîne, belkû di herêmên cuda cuda yên

cîhanê de jî bilav bûye. Herwisa wî tundûtîjiya li dijî jinan di Yemenê de jî şermezar kiriye.

Balyozê rejîma Îranê di demekê de bi berçav bergiriyê jî mafên jinan dike, û wisa nîşan dide ku di Yemenê û cihên din de tundûtîjî heye, ku Cenetî di nimêja Înê ya Tehranê de ragehand ku dibe em berxwedaniyê bikin, jiber ku piştî pîrsa navîkî, Rojavayî wê bijin ku bila mafên mirovan, û mafê wekhev yê jin û mêran biparêzin. Ew gotina Cenetî bi başî eşkere dike ku di Îranê de jî, tiştek bi navê wekheviya mafên jin û mêran tune ye.



Li bajarê Tehranê zarokên kar armanca destdirêjiyên cinsî ne



Ajansa Kurdpa: piraniya wan zarokên ku li A kolanên bajarê Tehranê kar dikan, dibin armanca destdirêjiyên cinsî.

Li gorî nûçeya Ajans nûçegehaniya Kurdpa yê, %29 ji zarokên bajarê Tehranê kar dikan û, %32 ji wan jî dibin armanca destdirêjiyên cinsî.

Rêkxistinên nefermî ên parastin mafên zarokên kar radigehînin ku, %5 ji zarokên kar ên bajarê Tehranê tûşî nesaxiya "HIV" bûne û roj bi roj jî hejmara wan ber bi zêdebûnê ve diçe

Li bajarê Sine ciwanekî Kurd rastî teqeya rasterast a hêzên leşkerî yên rejîmê hat

Nûçegehaniya Kurdpa: Di encama teqeya hêzên çekdar yên Hikûmeta Îslamî ya Îranê, ciwanekî Kurd jiyana xwe ji deşt daye.

Li gorî nûçeya nûçegehane malpera Kurdpa, çend roj berê ciwanekî Kurd xelkê bajarê Sine, li ser rêya Sewlawa, kete ber teqeya hêzên leşkerî yên rejîma Îranê, û piştî mana çend rojan di nexweşxanê de, jiyana xwe ji deşt da.

Nasnameya wî ciwanê Kurd Erselan Berzger temen 29 salî hatiye ragehandin.

Çavkaniyekî haydar, malpera Kurdpa re ragehandiye, ev ciwanê Kurd tu sûçê wî tunebûye, ku li ser rêya Sewlavayê rastî teqeya hêzên leşkerî hatiye, û piştî demekê jî bo nexweşxaneyê Bê'îset a bajarê Sine hatiye şandin.

Dem bi dem hevvelatîyên sîvil yên Kurd, bi tometên cur bi cur jî aliyê hêzên Hikûmetê ve êrîş li dijî wan tê kirin, û di encamê de jî kuştî û birîndabûna hevvelatîyan jê dikeve.



Dawxaza xwandin bi zimanê Kurdî li Kirmaşanê hate kirin

Nûçegihaniya
Kurdpa:Çalakvanekî sivil xelkê
bajarê Ciwanro, gazinde li parêzgarê
berê yê Kirmaşanê kir, û got ku dibe
di mezintirîn bajarê Kurdistanê
Rojhilat de, ku Kurd tê de akincî ne,
xwandin bi zimanê dayîkê hebe.

Çalakvanên sivil, xwandekarî û mamostayên Kurdistanê Rojhilat li bajarê Kirmaşanê, ji bo rêdana xwandin bi zimanê zikmakî ji aliyê rejîma Îranê ve, simînarek li ser zimanê zikmakî lidarxistin. Piştî danîna beşeke taybet ji bo edebiyata neteweyên



din yên Îranê di nav kitêba ziman û edebiyata Farsî ya wî welatî de, zanîngeha Kurdistanê li bajarê Sine, îsal beşeke taybet bi zimanê Kurdî bo xwendekaran di vê zanîngehê de ava kiriye.

Piştî vê yekê di rojên berê de, çalakvanên sivil yên xelkê bajarê Ci-

wanro, li ber xwandin bi zimanê Kurdî li zanîngeha Kirmaşanê wekî mezintrîn bajarê Kurdistanê Rojhilat, rexne li “Îbrahîm Rizayî Babadî” parêzgarê berê yê Kirmaşanê girtin, pirs xwandin di vî bajarî de kete ber bas, û “Re-mezan Dêhnewî” ravêjkarê parêzgarê Kirmaşanê di vê derbarê de dibêje: “Pîlana avakirina kolîjeke taybet bi zimanê Kurdî amade ye”.

Hêjayî basê ye ku pirojeya avakirina

lê heya niha tu biryarek li ser nedane. Pirs xwendina bi zimanê dayîkê di Îrana çendneteweyî de, bi salan e ku bûye cihê behs û gengeşeyê, û di vê derheqê de, hikûmeta Îranê tenê di xwendingehên bajarê Seqizê de, li Kurdistanê Rojhilat kitêbokek ji zimanê Kurdî re danî.

Ew kitêbok tenê li xwendingehên bajarê Seqizê de tê gotin, û tê de tenê bas ji wan kesayetiyên naskirî ên Seqizê tê kirin, û tu amajeyek bi dîrok, wêje û

...hwd nehatiye kirin, û di vê çarçoveya diyarîkirî de maye. Ser-

beşa ziman û wêjeya Kurdî li Kirmaşanê, hewce ye ku ji bêjînga Civata Bilind ya Şoreşa Çandî re derbaz bibe, û bigihîje qonaxa piratîkê, lê ew civat serbarê wê ku pirojeya wan gihîştîye destên wan,

barê vê ku ji aliyê hikûmeta Îranê ve beşek ji pirtûka wêjeyê bo zimanê Kurdî hatiye danîn, lê ew kiryar ketiye ber rexneya karnasên perwerdehî û zimannasiyê, û ew karê berpirsyarên hikûmeta Îranê baş nabînin, û bas ji vê dîkin ku li gora ku hewce ye girîngî bi zimanê Kurdî nehatiye dan.

Cezayê Îranê bo derhênerê Kurd: 6 sal girtîgeh û 223 qamçî

Keywan Kerîmî bi 6 sal hebs û 223 derbên qemçiyê hat cezadan Derhênerê Kurd ê Rojhilatê Kurdistanê “Keywan Kerîmî”, bi tawana ramûsna rûyê hevaleke xwe ya jin li Kolanê, ji aliyê taya 28 a dadgeha Şoreşê bi 6 sal hebs û 223 derbên qemçiyê hate cezadan.

Taya 28 a dozgeriya Şoreş li Tehrana serbajarê Îranê bi dadweriya “Mihemed Moqîse” radihehîne ku Keywan Kerîmî lesr yek ji Kolanên bajarê Tehranê hevaleke xwe ya jin dibîne û herdu rûyê hevdu radimûsin û eva ji bi wateya “Bêrêzî bi pîroziyan û tîkiliyên ne rewja ji rêya dest û maçkirinê ve” tê.

Emîr Reyîsiyan parêzerê Keywan Kerîmî dibêje ku, yek ji wan tometên ku xistine kêleka Keywan Kerîmî, ev e ku navbirî xwestiye ku kilîpekê çê bike, lê bi sedema vê ku tevî aliyê xwe yê beranber negihîştîye rêkevtinê, kilîp ne-

hatiye çê kirin û dadgeh jî ev yekê weke bêrêzî bi pîroziyan dibîne. Eva di demekê de ye ku ev kar nehatiye encamdan û me ji dadgehê re jî zelal kiriye ku karê han di bîngeh de û nabe nehatiye bê Keywan gotinên pêşniyara kirin, tu bîrêziya nine.

Zaniyarî dîkin ku kilîpê ji Fars ve bi kirin û pêşniyar

Reyîsiyan herweha dibêje yek din ji tometên ku di dosiyeya Keywan de tê berçav, filma dêkyomêntarî a “Diwar” e. Keywan Kerîmî herweha derbarê filma xwe dibêje, filma min taybet e bi diwarnivsandinê li bajarê Tehranê û tû tîkiliyek bi bîrêziya bi pîroziyan re tu nine.



nehatiye encamdan liser karekê ku encam dan kesek cezadan. Parêzerê herweha di doma xwe de dibêje ku ku bi Keywan hatî peywendiyek bi bi pîroziyan ve tu

vê yekê êşkere pêşniyara çekirina aliyê hunermendê “Şahîn Necefi” Keywan re hatiye her di bîngeh de jî hatiye redkirin.

Gotinên Navdaran



A: Firat Cewerî

Pirxwarin havêna nexweşiyê ye.
F. Attar

Nexweşî xizmetkara mirinê ye.
Francis Rous

Mîrov ancax dikare bi xeyalên vala bextiyar bibe.
Stefan Zwing

Xeyal çavên ruh e.
Joubert

Divê rojên jiyanê yên nebaş hebin, da mirov bikaribe zexmî û mîrxasiya xwe nîşan bide.
Senancour

Ro, rojê du caran hilnayê.
Victor von Scheffel

Roya bê sî tune ye.
Albert Camus

Roya ku diçe ava, her sibeh ji nû ve hiltê.
Catallus

Roya min ji bo ku carek din hilê diçe ava.
Robert Browning

Ro li her welatî sibehan hiltê.
George Herbert

Bi her kesî re bide û biştîne, bi hindik kesan re tîkiliyan deyne, yê ku tu bixwazî baweriya xwe pê bîne jî baş biceribîne.

Zimanê Kurdî



Beşa 18. Dema guhdarîkirin û xwendinê Roj

- Bawer:** Ez dê derheqê rojê de hinek pirsan ji te bikim.
Hêlin: Kerem bike.
Bawer: Roj çend saet e?
Hêlin: Bîst û çar saet e.
Bawer: Roj çend dan e?
Hêlin: Pênc dan e.
Bawer: Danê yekem kîjan e?
Hêlin: Sibeh e. Sibeh, destpêka rojê ye û her kes diçe ser karê xwe.
Bawer: Danê duyem kîjan e?
Hêlin: Nîvro ye. Nîvro dema firavînê ye.
Bawer: Danê sêyem kîjan e?
Hêlin: Berêvar e. Berêvar, di navbera nîvro û êvarê de ye.
Bawer: Danê çarem kîjan e?
Hêlin: Êvar e. Êvarê roj diçe ava, her kes diçe mala xwe.
Bawer: Danê pêncem kîjan e?
Hêlin: Şev e. Şev, dema bêhnvedan û razanê ye.
Bawer: Her bijî Hêlin.
Hêlin: Spas Bawer can.

Tiştonek



A: Mahir Berwarî

10. Rext
 - Dane quta qutayi, li rêza kara dan-ayi, bo xolamêt axayi.
 11. Gule
 - Duxkê vizê, çu ber bizê.
 - Kur tê ji dûr tê, gava vedireşe xwîn tê.
 12. Quran
 - Çil taq in, çil bertaq in, çil ode ne, ji çil di zêde ne.
 - Sê taq e, sê bertaq e, sê derge ye, sê hucre ye.
 (* Sê cizî yê Quranê)
 - Çil derp e çil derpîç e, çil xolam e çil xecîc e.
 - Çil çît in, çil berçît in, çil xidam in, çil xulam in, çil xecîc in.
 13. Diştar
 - Sindorûka li ser sindorûkê, kilîla di destê bûkê.
 - Ez çume Elkûşka/oda, tax, xani jêrî, min dît jina li ser mêrî, min gutê dê çi lê key?
 Gut: Dê înim nêrî.
 - Berek li ser berekê, teyrek dixûnit li dolekê, kuna qûnê li nîvekê.
 - Te dibeme lateka asê, di kunê diqutîm lûliya dasê.
 14. Aş
 - Hindî bikenê tijî nabit, hindî bidenê têr nabit. (* aş, meqes)
 - Firrît û firrît, bo te û babê te dirît.
 - Gîskê gorî, li avê xorî.
 - Tebeka li ser tebekê, kona qunê di nîvekê.
 - Çi diken karê ew dihêt xarê.
 - Gîskê gurî, li ser avê/rubarî xorî.
 - Him himo, li ber çemo, ne diz diben, ne



Beşa 19. Dema nivîsînê

Valahiyên jêrîn bi bêjeyên "sibeh, nîvro, û şev"ê dagirin.

....., dema bêhnvedan û razanê ye., destpêka rojê ye û her kes diçe ser karê xwe.....
 dema firavînê ye.

Xwendevanên hêja!
Hûn dikarin bersiva tiştonekan bi riya E-Maila Agiri2003@gmail.com ji me re bişînin



Agirî

♦ Rojnameya “Agirî” di van malperên jêrên de bixwînin:
♦ www.Kurdistanmedia.com
♦ www.Agirimedia.org
♦ rojnamaagiri@gmail.com
♦ www.facebook.com/Agirikirmanji

Navnîşana derveyî welat: AFKB.P. 102- 75623 ParisCEDEX 13 –FRANCE

E - Mail: Agiri2003@gmail.com

Hejmar (264)



Hejmar 264

Agirî